



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/07-00301 pillugu ulloq 12. december 2007-imi aalajangiinera pillugu Naalakkersuisunut ilisimatitsineq.
(Naalakkersuisut siulittaasuata ulloq 9. december 2007-imi aalajangiinerani nr. 248)

Kontumut pingaarnermut 50.01.01-imut, Aalisarnermut, Piniarnermut Nunalerinermullu Pisortaqarfik, Iaffissorneq ilassutitut aningaasaliisoqarnissaanik, kiisalu kontumit pingaarnermut 50.01.05-imit, Kalaallit Nunaanni Aalisarsinnaanermut Akuersissutinik Nakkutilliisoqarfik aamma kontumit pingaarnermut 50.01.03-mit, Aalisarneq piniarnerlu, kontumut pingaarnermut 50.01.01-imut, Aalisarnermut, Piniarnermut Nunalerinermullu Pisortaqarfik, allaffissorneq, nuussinissamik qinnuteqaat

Naalakkersuisut **inassutigaaat,**

- Kontomi pingaarnermi 50.01.01-imi, Aalisarnermut, Piniarnermut Nunalerinermullu Pisortaqarfimmi allaffissornermut tunngasumi, aningaasaliissutit 2.800.000 kr.-inik amerlineqassasut,
- Ingerlatsinerneq sillimmatit 1,2 mio. kr.-inik ikilineqassasut,
- Kontomi pingaarnermi 50.01.03, Aalisarnermut piniarnermullu tunngasumi, aningaasaliissutit 600.000 kr.-inik ikilineqassasut,
- Kontomi pingaarnermi 50.01.05-imi, Kalaallit Nunaanni Aalisarsinnaanermut Akuersissutinik Nakkutilliisoqarfimmut tunngasumi, aningaasaliissutit 1.000.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Aalisarnermut, Piniarnermut Nunalerinermullu Pisortaqarfimmut 2,8 mio. kr.-inik ilassutitut aningaasaliissuteqarnissaq Naalakkersuisut suliami matumani qinnutigaaat. Aningaasat taakku akissarsianut, nutserinermut, qarasaasiakkut naleqqussaaneq inuttassarsiuinermullu atorineqarnissaa utaqqiisaasumik ineqartitsinerneq atorineqarnissaat kissaatigineqarpoq.

Ukiup naalivinnerani aningaasaliissutit allanngortinneqarnissaat pillugit qinnuteqaatit nassiunneqartarnerat naapertuutinngitsoq ataatsimiititaliap ukiut arlallit ingerlaneranni akuttunngitsumik eqqaasitsissutigisarsimavaa, taamaattoqartillugumi pineqartoq tassaagajuttarmat aningaasaliissutit atoriikkallu akornanni naatsorsuutitigut naapertuuttunngortitsinissamik siunertaqarluni aningaasat atorineqareerneranni aningaasaliissuteqarnissaq. Aningaasat atorineqareerneranni aningaasaliissutit Aningaasaqarnermut Ataatsimiititaliamit akuerineqarsinnaanngitsut missingersuutit pillugit inatsimmi allassimavoq.

Aningaasat atorineqareerneranni aningaasaliissuteqarnissaq suliami matumani qularnanngitsumik pineqarmat, tamannarpiaq pissutigalugu qinnuteqaatip akuersissutigineqarnissaa ataatsimiititaliamit kissaatigineqanngilaq.

Tamatuma saniatigut Pisortaqarfiup aningaasaliissutaasunik eqquutsitsisinnaannginneranut tunngavilersuutitut allassimasut siumut naatsorsuutigineqareersinnaasimannngitsutut taassallugit naammannngitsutut ataatsimiititaliamit nalilerneqarput.

Tassunga atatillugu ataatsimiititaliamit ilaatigut tikkuarneqassaaq:

- Junip naanerani missingersuutit pillugit ilisimatitsissuteqarnermi pisortaqarfiup kontoini pingaarnerni atuinerussuteqaratartoqarsinnaaneramik ersarissumik tikkuussisoqareersoq.
- Aningaasaliissutinik eqquutsitsinissap ajornartorsiutaasinnaanera Pisortaqarfimmit ilimagineqalerniariapat Naalackersuisunut ilaasortap iliuseqarnissamut pisussaaffeqarnera aqutigalugu atuineq unikaallatsinneqartussaavoq. Taamatut atuinermik unikaallatsitsineq pisariaqarneratut annertussuseqartumik pisimanngitsoq isigineqarpoq.
- Missingersuutit pillugit inatsit aammalu missingersuusiornermut malittarisassaq naapertorlugit ingerlatanik aningaasaliissutinut naleqqussaannissamut pisortaqarfik pisussaaffeqarpoq. Taamaalillunilu angalanissat ataatsimeersuartitsinissallu aningaasartuutit qaffanneqarnissat pisortaqarfiup salliutippagit ingerlatat allat annikillisinneqartariaqarput.
- Namminersornerullutik Oqartussat allaffissornermut aningaasartuutaasa killilersimaarneqarnissaannik naalackersuinikkut aalajangiinermut allaffissorinikkut atuinerussuteqarneq naapertuutinngilaq.
- 2007-ip ingerlanerani pisortaqarfimmi ulloq naallugu suliffiit agguaqatigiissillugit 3,7-it inuttaqarsimanngillat. Atorfiit inuttaqanngitsut utaqqiisaasumik ineqartitsinermut inuttassarsiunermullu aningaasartuutitut matussutaasinnaasumik akissarsianut atuinikinnerunermik nalinginnaasumik nassataqartarput.
- Aalisarneq pillugu inatsimmik nunalerinerlu pillugu nalunaarusiornermik pisortaqarfiup suliaqarnerata annertuussia pisortaqarfiit allat, soorlu Akileraartarnermut Pisortaqarfiup Inuussutissarsiornermullu Pisortaqarfiup nutserinermut sulinerunermullu aningaasanik amerlanerusumik pisariaqartitsinermik nassataqanngitsumik 2007-imi suliaannit allaanerunngillat.
- Peqqissaartumik ingerlatsinissaq naapertorlugu nutserisut avataaneersut killilimmik pitsaassusilimmik piginnaasallit atorineqannginnissaannik aningaasanillu tunineqannginnissaannik qulakkeerinninnissaq allattoqarfiup pisussaaffigaa.
- Aningaasartuutit kukkusumik kontolerneqarnerimasut ukiup naatsorsuusiorkiusup iluani eqqortumut inissinneqarnissat pisortaqarfiup Naalackersuisunit Aningaasaqarnermulluunniit Ataatsimiititaliamit akuersissuteqarfigineqaaqqaarani ingerlassinnaasariaqarpaa.

Tamatuma kingorna 2007-imut atatillugu naatsorsuutitut nassuiaateqarnermini atuinerussuteqarneq pisortaqarfiup nassuiaatigisariaqarpaa.

Kiisalu isummernissamut tunngavissiaq ataatsimiititaliamut nassiunneqartoq nutaamik aningaasaliissuteqarnissamik aningaasaliissutinilluunniit allanngortitsinissamik qinnuteqaatit ilusissaannut pitsaassusissaannullu piumasaqaatinut naapertuuttut isigineqarsinnaanngilaq.

Aningaasaqarnermut Ataatsimiititaliap aalajangiinera

Siuliani allassimasut innersuussutigalugit Naalackersuisut inassuteqaataat Aningaasaqarnermut Ataatsimiititaliamit **akuerineqarsinnaanngillat.**

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua

Nuutinneri: Kukkunersiunermit Ataatsimiititaliaq